

佛說無崖際摠持法門經

百七十  
過一

48472



元祐六年三月三日重脩

皇圖瓊閣 帝階銀昌

佛日增輝 懋輪常轉

山塘州天女寺法金剛院置

藏



佛說無崖際揔持法門經

乞伏秦沙門釋聖堅譯

過

如是我聞一時佛在舍衛國祇樹給孤獨園  
與大比丘衆千二百五十人俱菩薩萬二千  
盡一生補處應尊位者皆從十方世界來會  
悉得揔持辯才無礙執意堅固所言真諦珍  
貴恭順不放逸法慙愧慈忍以爲上服諸佛  
妙法通達無礙能爲衆生而作朋友哀愍一  
切方便誘化能使衆生親近敬愛遍遊十方  
諸佛世界神足無礙能了一切衆生之根消  
伏諸欲壞裂魔網已度魔界捨諸欲習悉能  
揔攝一切法性敬奉諸佛如應行法其所思

念盡諸禪定坐起行住不失威儀

其名曰無終鼓菩薩無終幢菩薩無終稱菩薩無終号菩薩樹王菩薩知一切音聲菩薩  
名稱幢菩薩一切普幢菩薩從無終幢菩薩  
普意菩薩一切普名稱菩薩普光菩薩普号  
菩薩普幢菩薩一切普至菩薩普德幢自在  
王菩薩唱名稱菩薩集名稱菩薩集勝菩薩  
普眼菩薩普德菩薩見無缺失菩薩離缺失  
菩薩已離缺失菩薩具一切衆生願菩薩不  
捨一切衆生菩薩常憂稱菩薩成就最上菩  
薩一切德名稱菩薩其萬二千菩薩皆如是  
上首者也

亦時炎天王與六十億諸炎天子來共會坐  
兜術天王與八十億諸天來共會坐化樂天  
王與九十二那術百千諸天來共會坐他化  
自在天王與五萬五千那術諸天來共會坐  
色界無數諸天來共會坐

亦時東方去此忍界度九十二諸佛刹土塵  
數世界有國名大力其國有佛号集大力如  
來至真等正覺有尊菩薩名曰勝怨與無央  
數億百千菩薩於彼佛刹忽然不現來詣忍  
界在於三千大千界上虛空中立興琉璃雲  
普覆世界雨閻浮檀金色之華遍忍世界一  
一菩薩復雨七寶衆妙瓔珞如一佛刹微塵

之數一一菩薩復雨天文陀羅華如一佛刹  
微塵之數一一菩薩復雨若干天香如一佛  
刹微塵之數一一菩薩復雨天沉水香如一  
佛刹微塵之數一一菩薩復雨七寶拂飾如  
一佛刹微塵之數一一菩薩復雨天栴檀香  
如一佛刹微塵之數一一菩薩復雨若干色  
衣如一佛刹微塵之數一一菩薩復雨衆妙  
寶蓋如一佛刹微塵之數一一菩薩復雨妙  
綵寶蓋如一佛刹微塵之數一一菩薩復雨  
碼碯寶蓋如一佛刹微塵之數一一菩薩復  
雨赤真珠蓋如一佛刹微塵之數一一菩薩  
復雨細琉璃蓋如一佛刹微塵之數一一菩

薩復兩珊瑚寶蓋如一佛刹微塵之數一一  
菩薩復兩雜色衆寶之幡如一佛刹微塵之  
數一一菩薩復以微妙未曾有偈如一佛刹  
微塵之數稱揚讚歎能仁卅尊

尔時三千大千世界諸地獄苦痛皆悉休息  
畜生慈心不相食噉餓鬼安隱無飢渴想一  
切人民貪瞋癡患皆悉休息亦無飢渴寒熱  
之苦亦無晝夜風塵之患其心寂然無迷亂  
想亦無色聲香味細滑心意煩惱欲界諸天  
迷惑亂意悉皆休息

尔時勝怨菩薩立住阿迦貳吒天上遙供養  
能仁如來以若干衆妙雜華敷飾擣香澤香

雜色妙衣諸蓋幢幡衆寶瓔珞遍雨三千大千世界復雨諸天龍神夜叉捷闍婆阿脩羅迦樓羅緊那羅摩睺羅伽諸餘大龍及四天下普至三千大千世界玲瓏妙寶皆悉周遍尔時勝怨菩薩從上來下前詣佛所稽首佛足繞百千帀以摩尼珠金剛妙寶雜廁之衣貢上佛已於一面坐勝怨菩薩於一一法議普觀三世一切諸佛所入法處諸佛法中取一切之辯所謂無斷之辯合偶之辯辯達之辯無礙之辯極近之辯無窮之辯易解之辯具足之辯一切法性自然巧說言辭之辯空無相願分別演說泥洹之辯諸思所量一切



解脫分別一切諸禪之辯分別意旨議說之  
辯於勤精進速捨言說之辯成就神通坐起  
行步之辯於一切表識上中下可說辯才乃  
莫能伏言說辯才於七覺分及八尊道求解  
辯才演說禪智不高下之辯善能分別法律  
之辯如是誠諦實語之辯如幻如化如熱時  
炎如水中月如呼聲響如鏡中像演說一切  
法性皆悉如是不生不起不滅之辯極精微  
之辯極深妙之辯雜種之辯極遠之辯諸欲  
之辯分別一切衆生心意欲起最上之辯愍  
衆生之輪如雷雨充滿之辯  
尔時勝怨菩薩解諸佛世尊所說辯力即從

座起更整衣服右膝著地長跪叉手而白佛  
言唯然世尊欲有所問如來若聽乃敢問之  
世尊告曰恣汝所問吾當爲汝具分別說勝  
怨菩薩蒙佛聽許歡喜踊躍而白佛言云何  
世尊一切諸法豈有終始根源名字相貌可  
得而言說不於諸菩薩諸禪定法在所入處  
言辭自在所問能答有所准望辭無謬誤不  
見准望亦化衆生得如是法一切辯才無不  
成就得揔持者所謂得無崖際因斯揔持得  
無崖際微妙之辯普持一切諸佛所說得無  
崖際揔持之門普持法界悉知入處究竟了  
達微妙法性明解諸入明入五道明於四諦

明入緣起諸法明解衆生所習明解無明諸  
法明入無性明解見有我想明解入無我想  
明解入空性明解入不空性明解入於表識  
明解入無表識明入於願明入於無願明於  
吾我明於無吾我明於所依仰明於無所依仰  
明於有所起明於無所起在在處處一切言辭  
尔時世尊讚勝怨菩薩言善哉善哉勝怨菩  
薩乃能慈哀一切衆生而問如來至真等正  
覺如斯之義諦聽諦聽善思念之吾當為汝  
具分別說勝怨菩薩與諸大衆一心靜意受  
教而聽佛告勝怨何謂是名入無崖際摠持  
諸法者因其摠持得無極名稱以無極名稱

為翼從無極德法門以無極德為翼從無垢  
法門以無垢為翼從寂滅法門以寂滅為翼  
從快從法門以快從為翼從快稱法門以快  
稱為翼從快哀法門以快哀為翼從善像法  
門以善像為翼從無動法門以無動為翼從  
成就法門以成就為翼從審諦自成法門以  
審諦自成為翼從無品法門以無品為翼從  
喻華法門以喻華為翼從善從法門以善從  
為翼從無所遊法門以無所遊為翼從無隱  
法門以無隱為翼從入隱法門以入隱為翼  
從知足法門以知足為翼從善步法門以善  
步為翼從捨離法門以捨離為翼從無惡法

門以無惡爲翼從普明法門以普明爲翼從  
遊無崖際法門以遊無崖際爲翼從生氣法  
門以生氣爲翼從遊無垢法門以遊無垢爲  
翼從堅固法門以堅固爲翼從無諂法門以  
無諂爲翼從玆重法門以玆重爲翼從遊極  
長法門以遊極長爲翼從意足法門以意足  
爲翼從離生法門以離生爲翼從輕舉法門  
以輕舉爲翼從無疑法門以無疑爲翼從除  
無崖際苦法門以除無崖際苦爲翼從絕巢  
窟法門以絕巢窟爲翼從離極巢窟法門以  
離極巢窟爲翼從快美法門以快美爲翼從  
軟性樂法門以軟性樂爲翼從無顛倒法門

以無顛倒為翼從無驚惕法門以無驚惕為  
翼從功巧過上法門以功巧過上為翼從不  
忘驚法門以不忘驚為翼從無根法門以無  
根為翼從善勝法門以善勝為翼從無所捫  
摸法門以無所捫摸為翼從一事法門以一事  
為翼從好聚法門以好聚為翼從目削法門  
以目削為翼從無作法門以無作為翼從止  
無念法門以止無念為翼從無所將至法門  
以無所將至為翼從無所來法門以無所來  
為翼從無面法門以無面為翼從威神法門  
以威神為翼從所持法門以所持為翼從淨  
意法門以淨意為翼從善來法門以善來為

翼從無意步法門以無意步為翼從法意法  
門以法意為翼從無所私鋤法門以無所私  
鋤為翼從無恐畏法門以無恐畏為翼從法  
性意法門以法性意為翼從如來意法門以  
如來意為翼從唱令意法門以唱令意為翼  
從無睡眠法門以無睡眠為翼從天意法門  
以天意為翼從龍意法門以龍意為翼從夜  
叉意法門以夜叉意為翼從軋闍婆意法門  
以軋闍婆意為翼從阿脩羅意法門以阿脩  
羅意為翼從迦樓羅法門以迦樓羅為翼從  
緊那羅法門以緊那羅為翼從摩睺羅伽法  
門以摩睺羅伽為翼從大龍意法門以大龍

意爲翼從人意法門以人意爲翼從非人意  
法門以非人意爲翼從月意法門以月意爲  
翼從日意法門以日意爲翼從星意法門以  
星意爲翼從虛空意法門以虛空意爲翼從  
意無礙法門以意無礙爲翼從離從法門以  
離從爲翼從疑隨法門以疑隨爲翼從將意  
法門以將意爲翼從善稱法門以善稱爲翼  
從寶意法門以寶意爲翼從離憂法門以離  
憂爲翼從長益法門以長益爲翼從離愛法  
門以離愛爲翼從離壞羅網法門以離壞羅  
網爲翼從快來法門以快來爲翼從審諦偶  
法門以審諦偶爲翼從離樂巢窟法門以離



樂巢窟為翼從無却法門以無却為翼從離  
美法門以離美為翼從好名德法門以好名  
德為翼從法自善法門以法自善為翼從輕  
馳法門以輕馳為翼從無虛偽法門以無虛  
偽為翼從離惡道法門以離惡道為翼從大  
威法門以大威為翼從離願法門以離願為  
翼從如蓮華無汙法門以如蓮華無汙為翼  
從無意樂法門以無意樂為翼從調伏意法  
門以調伏意為翼從大雄相法門以大雄相  
為翼從離數法門以離數為翼從離耜鋤法  
門以離耜鋤為翼從輒想法門以輒想為翼  
從自然合偶法門以自然合偶為翼從金行

法門以金行為翼從衆寶法門以衆寶為翼  
從離害法門以離害為翼從廣無崖際法門  
以廣無崖際為翼從威神稱法門以威神稱  
為翼從廣意法門以廣意為翼從寬廣法門  
以寬廣為翼從大音法門以大音為翼從離  
大界塵法門以離大界塵為翼從知時宜法  
門以知時宜為翼從離時法門以離時為翼  
從如劍法門以如劍為翼從遊趣知足法門  
以遊趣知足為翼從香熏遊法門以香熏遊  
為翼從知數法門以知數為翼從入無缺減  
法門以入無缺減為翼從都遊法門以都遊  
為翼從無煩惱法門以無煩惱為翼從遊自

調法門以遊自調為翼從行及離後法門以  
行及離後為翼從遊藏隱法門以遊藏隱為  
翼從遊影法門以遊影為翼從已度法門以  
已度為翼從入離垢法門以入離垢為翼從  
淨行法門以淨行為翼從哀步法門以哀步  
為翼從離濁法門以離濁為翼從捨疑法門  
以捨疑為翼從喜像法門以喜像為翼從好  
像法門以好像為翼從伏步法門以伏步為  
翼從多樓泥竭啍法門以多樓泥竭啍為翼  
從遊空淨法門以遊空淨為翼從入步最勝  
法門以入步最勝為翼從高遊法門以高遊  
為翼從趣朋友法門以趣朋友為翼從王步

法門以王步爲翼從境界法門以境界爲翼  
從如步法門以如步爲翼從捨求法門以捨  
求爲翼從如是捨離衆疑見法門以如是捨  
離衆疑見爲翼從等趣法門以等趣爲翼從  
不藏俚法門以不藏俚爲翼從無譎讒言辭  
法門以無譎讒言辭爲翼從不以言辭相伏  
法門不以言辭相伏爲翼從無求望法門以  
無求望爲翼從無親愛法門以無親愛爲翼  
從不輕舉法門以不輕舉爲翼從無眴法門  
以無眴爲翼從離憂法門以離憂爲翼從離  
合聚親友法門以離合聚親友爲翼從意無  
變法門以意無變爲翼從意無斷絕法門以

意無斷絕為翼從處閑靜法門以處閑靜為  
翼從初始喚法門以初始喚為翼從趣數法  
門以趣數為翼從遊無數法門以遊無數為  
翼從報恩法門以報恩為翼從捨疑法門以  
捨疑為翼從離衆恐法門以離衆恐為翼從  
散疑法門以散疑為翼從離重擔法門以離  
重擔為翼從面趣出家法門以面趣出家為  
翼從離度法門以離度為翼從定意具足法  
門以定意具足為翼從入明法門以入明為  
翼從破散睡眠法門以破散睡眠為翼從無  
所著法門以無所著為翼從入寶光法門以  
入寶光為翼從離言性法門以離言性為翼

從弘廣法門以弘廣為翼從將趣最法門以  
將趣最為翼從入堅固法門以入堅固為翼  
從如是勝怨若菩薩得揔持之門最解正隱  
而於正隱如是隱無隱離隱牢固極牢固趣  
上意名稱意功德意所將意極高意言語意  
解散意規行意無知意極堅意堅慧意無散  
意如性意不二意堅執意龍步意無呵意妙  
善步極遠步無欲意步動搖步無足步無意  
步捨擔步安庠步無怨步無患步泥洹步如  
如步不倒步知行步善將步離濁穢離迷惑  
離憍慢離言辭離妄想離強伏弱離缺失離非  
時離不堅固如法步堅固步心意步執意步

佛覺步如是無能壞步法性極微無能壞步  
成就入堅固無能破壞堅如金剛深入諸三  
昧門悉入諸佛法門如覺三世等解諸佛極  
微妙德如是勝怨當知諸法廣大無有塵際  
若菩薩已得此陀隣尼門悉能揔持一切諸  
佛之法能以神足飛到十方一切世界供養  
無量諸佛卅尊亦能揔持聲聞緣覺所說之  
法亦能揔持道俗經典俗智道智諸禪智業一  
切悉知慧了三世而無罣礙悉能揔持一切  
言辭悉能了知一切衆生心之所念能入一  
切無量深法極精微議無所不達知一切法  
諸所歸趣將接成就皆使應法持心攝念所

言誠諦不失威儀皆悉能得一切菩薩方便  
之力能以足指振動十方諸佛世界其中衆  
生無能覺知而生恐怖一念之頃能知三世  
一切諸法無所罣礙皆悉平等無不通達其  
人終無餘行亦無異意終不詭拜於餘天神  
極深微意所思不謬能得無數億千諸三昧  
門所生之處常識宿命常得化生不由胞胎  
生諸佛刹蓮華之中永離三塗八難之處  
若有諷誦此惣持者世世生處天人所敬稟  
受身體終無諸重在所生處常見諸佛終不  
生於無佛世界其人兩手如摩尼珠常出七  
寶而無窮盡能淨佛國成就衆生如應化度



悉得其志隨意入化各得其所亦能降伏外  
道異學裸形尼捷悉使入正答難言辭功巧  
無比所說無窮辯才無礙一語能報萬億之  
意其議不謬得無極才智慧之寶名稱普至  
周聞十方無量世界一切諸佛所說之法悉  
持不忘得陀隣尼皆悉逮得無所恐懼解了

通達一切法性猶如虛空而於無量諸佛出  
界一切微塵盡知其數悉持不忘得揔持門  
通達法性猶如虛空而於一切諸佛世界諸  
太海水以一毛端欲滴知其數爲得幾滴盡  
知其數悉持不忘得揔持門通達法性猶如  
虛空而於無量諸佛世界草木叢林須弥大

地盡燒爲灰。欲知灰塵之數。悉知其數。憶持不忘。得惣持門。解達法性。猶如虛空。而於諸佛。一切世界。以足一指。普令振動。無不傾搖。能使還住。不忘所持。得惣持門。解深法性。猶如虛空。而於諸佛。一切世界。能以一手。悉遍覆之。亦以一毛之端。周遍普覆。不捨所持。逮得如是。無量無邊。一切諸佛。悉在目前。惣念憶持。悉無所忘。得惣持門。

如是勝怨。其持是陀隣尼者。得百千諸惣持門。無數百千諸三昧門。當知勝怨。其有諷誦此惣持門。常令通利。執攬在心。而不忘者。衆鬼魍魎。夜叉等輩。無能恐怖。得其便者。一切諸

魅及曠野鬼師子虎狼食噉人獸諸惡虫等  
亦復不能恐怖其人其人若行遠涉長途逕  
由嶮路設遇賊難衣毛不豎無恐怖想如是  
勝怨其有諷誦是揔持者於一切恐怖悉得  
解脫若人爲諸鬼魅所病夜叉羅刹一切惡  
鬼之所執持者悉得解脫此揔持門若在家  
中若在空中閑處悉於其中而作大護外道蠱  
鬼若起死人鬼若塚間鬼若空閑鬼其持此  
揔持者一切惡鬼無能得便如是勝怨此揔  
持名所至到處若在郡縣村落國邑塔寺房  
舍之中若經行處所至之處皆於其中而作  
大護不爲國王大臣君主所見恐怖及餘軍

馬一切恐怖水火之中悉得解脫持是摠持者若比丘比丘尼優婆塞優婆夷若餘俗人常當淨潔身體香汁澡洗著淨衣服著淨衣服已用好香華供養十方一切諸佛及諸菩薩常當至心憶念一切諸佛世尊及諸菩薩若有重病之人當行此呪用呪病人若人頭痛若壯熱若風若冷若熱如此三病合爲一病若一日熱若二日若三日若四日若復常熱若得眼痛若牙齒痛若腹內痛若背脊痛若復黑癰一切惡瘡若彼癡顛若從日月星宿隨所得病用此摠持呪之無不得愈當知勝怨若有得聞是摠持經一百九十二遍者

此諸人等重病恐怖無不除愈所以者何過  
去諸佛皆用是呪擁護一切衆生當來諸佛  
亦用是呪擁護一切衆生今現在諸佛亦用  
是呪擁護一切衆生當知勝怨此尊揔持威  
神功德所感如是多所利益無量衆生如是勝  
怨其有諷誦此揔持經執持不忘者八十億  
夜義衆皆當擁護誦揔持人一切伺求不得其便  
尔時奢臘夜義王與六萬夜義衆俱來詣佛  
所長跪叉手而白佛言世尊我當將諸眷屬  
往詣彼所擁護讀誦此揔持者時奢臘夜義  
王重白佛言世尊有大藥樹王名曰威神德  
今在雪山中以其藥王恩力所致故普使閻

淨提一切藥草樹木竹蘆叢林諸樹華果皆蒙其恩而得增長無不成就我當往雪山中取藥王之精日日持來密著誦揔持人身中令誦持揔持者永無衆病令其歡樂無復憂惱終不值遇諸惡之難佛復告勝怨四王天上諸天子求佛道者將諸眷屬往到彼所守護宿衛持揔持者忉利諸天求佛道者炎天兜術天化樂天他化自在天求佛道者往到彼所悉共守護持揔持者其人當入五陰種揔持門五陰種者是名無所成就於斯色陰無所愛樂地種名為地水種名為水火種名為火風種名為風所以者何無成就故地名

之中求其性字都不可得。以無性故無所成。就如。是水。火。風。種。亦復。如是。無所成就。過去色。亦不自說。我是過去色。當來色。現在色。亦復。如是。能不自說。當來色。現在色。所以者。何。性。名。等。一。無。念。知。故。歸。一。空。故。若。其。無。性。則無所成就。如是。地。性。水。火。風。性。其。性。無。所。言。說。過去色。無所言說。如過去色。無所言說。當來色。亦無所言說。現在色。亦無所言說。所以者。何。其。性。自。然。不。可。得。故。從。何。所。起。從。無。所起。無所起者。則無所滅。已無所滅。則無言教。如所言曰。過去。當來。今。現在。其。色。陰。聚。求。其。本性。都。不。可。得。云。何。當。有。過去。當來。現在。色。

也是故色陰痛想行識陰但有名字耳亦無  
堅固如是入五陰種亦入於摠持若入於摠  
持則入於五陰觀五陰種性空則得陀隣尼  
所名陀隣尼求亦不可得是故但假名字耳  
數但字耳調言但字耳所言但字耳五陰亦  
字耳亦不入色種亦不入陀隣尼亦不能得  
陀隣尼性何以故此事亦無有作者但字爲  
色耳亦無能作四大之性故不能得其集無  
所集故名曰五陰譬若勝怨若干衆事集會  
乃至成起宮殿城郭樓櫓堦堦欄楯窓牖前  
後圍繞是名爲城此等諸事一一分散皆悉  
令盡求索其城都不可得如是勝怨若干衆



事而共集會名曰色種求其本性亦不可得  
所以然者本性極微故不可得何以故眼性  
眼中求之不可得何以故由本無性故諸法  
本無性故不可得若無所得則無所成就已  
無所成就則無所起亦無所滅已無所起則  
無有滅已無起滅則無過去當來今現在之  
言說已無言說但假号耳數但字耳如是字  
中求字不可得數中求數不可得言中求言  
不可得三世中求三世亦不可得調言謬語  
中求調言謬語都不可得一切諸法若無本  
性則無所有若無所有則無所成就若無所  
成就亦無雙起亦無雙滅無起無滅故則於

三世無所言說無過去當來現在之言說若無三世言說則無有名字亦無無想亦無無願亦無無數言教亦無調言亦無衆事亦無無所從來亦無無所至亦無無所自稱亦不往來得道亦不於聲聞中住亦不於緣覺中住亦不於菩薩中住亦不於佛中住亦不在住中非不在住中法性如是非如是法性寂滅而無其相亦不瑞應是故名字但假号耳何以故亦無有法名曰最如如是無有眼性亦無色性亦無眼色意入十八種性亦是當作如是解何以故但假号名字耳如是勝怨譬若地種在所異類方國人民辟章名

字各異不同雖名字殊異不離本性如是勝  
怨用何言辭始說法名用何言辭入後法性  
如是勝怨法性極微已解法性則入陀羅尼  
門設著於眼情名曰入衆苦情若著眼色集  
故名曰苦集觀其本性苦集不可得若其無  
性則無所有若無所有則無所成就若無所  
成就則無起滅已無起滅則無過去當來今現  
在但有名字耳言數但号字耳諸法如是本  
性自空本性空者則無有相已無有相則無  
有願已無有願則無遊步已無遊步則無遊  
戲亦無戲過亦無調戲若善男子善女人解  
達諸法如是不久當得揔持法門佛說是揔

持經時此三千大千世界六種振動一切諸  
天於虛空中作倡伎樂雨衆天華而以供養  
八萬人民得法眼淨其一千人俱發無上正  
真道意九十那術諸天衆悉逮得是揔持法  
門介時阿難即從坐起長跪叉手而白佛言  
此名何經云何奉持佛告阿難此經名曰一  
切無崖際諸法揔持門當奉持之佛說經已  
勝怨菩薩及諸異刹菩薩摩訶薩諸來衆會  
皆大歡喜作禮而去

無崖際揔持法門經

過

崖

魚佳反

一音宜

尋

礙

同吾蓋反

誘

音酉引也

缺

缺

傾反

虧

也

少也上

炎

焰

字

堯

丁侯反

鞅

音央

噉

徒敢反

恚

紆避

反怒 吒 竹竹嫁反 又 琦 音奇 雜廁 下初使 貌狼

字下同 非 課 反 苗 幼 巢窟 下上助交反 濡 古用作軟 惕

驚 的 反 捫摸 上音門 下忙胡反 一音 削 反 思 約

私 鋤 上非也 音去 除草也 或作芸 厚 反 舊 音土 孫 俚

紆 迴 反 調 藝 上丑 檢反 下魚計反 眴 詩閨反 詭

拜 上過委反 詐也 胞胎 上必 裸 胡瓦反 赤體也 通 速

音代 正 滂 滴音攬 反 郎敢 魁 魁 上音 兩 魅 眉二反

狩 正所 又 獸 呼 延 經 字 蠱 中音古 腹 澡 漆 上音 早 洗也

脊 音 跡 癰 紆 恭 反 伺 相寺反 臍 臍 二 同 郎 荅 反

樓 音 魯 望 樓 上 俾 倪 上蒲米反 下吾礼反 正

攔 楯 下音 守 禦 望 樓 也 窗 牖 下音 調 戲 反 下 徒

虛 弄 義 反 詭 曰 檻 橫 曰 櫛 昌 樂 也

倡 伎 下上音 渠 倚 反

